

№14 “Шолпан” балабақшасы

Тәуелсіз ел Қазақстан

***Тәрбиеші: Қайрова А
Тәти Ж***

2021- 2022 оқу жылы

Бекітемін: Байқас
Әдіскер К.Байқадамова
«14» «12» 2022 ж

Мақсаты: Желтоқсан көтерілісінің сипатын насихаттай отырып, желтоқсан құрбандарын мәңгі есте сақтау: жас ұрпақ бойына еліне, жеріне, ұлтына деген патриоттық сезімін қалыптастыру.

Балалар Көк тудың желбірегені әнімен ортаға шығады.

Қазақ елім, туды жастық дәуірің,
Алғандайсың жұлдыздардың жарығын.
Тәуелсіздік құтты болсын ағайын!
Тәуелсіздік құтты болсын, алыбым!

-Құрматті ата –аналар, қонақтар және балабақша бүлдіршіндері Тәуелсіздік мерекесіне орай өткізіліп отырған «Тәуелсіз ел Қазақстан» атты мерекелік ертеңгілігімізге қош келдіңіздер!

Әнұраны елімнің
Шақырады бірлікке.
Егеменді халқымның,
Болашағы бірлікте.

Қазақстан Республикасының мемлекеттік Әнұраны орындаймыз.

Жүргізуші: Міне, Тәуелсіздік мерекесі де келіп жетті. Қазақстан Республикасының тәуелсіздігіне биыл 30 жыл толады. Баршынызды сол тарихы тереңде жатқан айтулы мерекесімен құттықтаймыз. Біз ата-бабамыздың аңсаған арманы орындалып, қазақ елінің Тәуелсіз Мемлекет атанып, көк туы желбіреген жұлдызды сәтін өз көзімізбен көруге жазылған ұрпақпыз. Қазақстан өз тәуелсіздігін алды. Бұл тәуелсіздік оңай келген жоқ. 1986 жылғы оқиға халықтың есінде мәңгі сақталады, 16-желтоқсанда қазақ жастары Орталық алаңға шығып, Қазақстан тәуелсіздігін талап етті. Бұл күн-Қазақстан тарихында тәуелсіз Қазақстан Республикасының туған күні деп алтын әріппен жазылды. Осы жолда аға-апаларымыз көп күресті. Желтоқсан оқиғасына қатысқан аға-апаларыңды тани біліңдер, олар: Ләззат Асанова, Ербол Сыпатаев, Қайрат Рысқұлбеков т.б

Тәуелсіздік оңайлықпен келмеді,
Бізге оны ешкім аяп бермеді.
Тәуелсіздік- Қайрат, Ләззат, Ерболдың
Тас көшеде, тас талқан боп өлгені.

-Осы тәуелсіздікке жетуімізге өз үлесін қосқан батырларымызды мәңгі жүрегімізде сақтаймыз.

Жүргізуші: Тәуелсіздік дегенде көңілден жыр-шумақтар ағытылар ендіше балалардың тақпақтарын тыңдайық.

Бибарыс: Желтоқсаным тәуелсіздік тірегі,
Желтоқсанды қадыр тұтып тұр елі.

Жүректерде сақтау керек үнемі.

Инабат:

Жыр арнадым еліме тебірене,

Үміт артам елімнің ертеңіне.

Тәуелсіздік алғалы көп жыл болып,

Отаным жылдан-жыла көркеюде.

Марлен:

Он алтыншы желтоқсан ,

Тәуелсіздік алған күн .

Мерекеге ел тосқан,

Атамменен барған мын.

Мадияр:

Тәуелсіздік еліміз,

Мәңгі жасар жеріміз.

Тәуелсіздік жасаған ,

Аға ,әпкелеріміз.

Адина:

Елтаңбасы елімнің,

Неткен әйбат, әдемі!

Тұнығындай көңілдің,

Ортада- аспан әлемі.

Нұрдидар:

Құт, береке – шаңырақ,

Орын алған ол төрден.

Қанатты қос аргымақ,

Екі жактан көмкерген.

Айсәуле:

Анаң- күнің, жүрегің,

Әкең – өмір тірегің.

Сен- бакытты ұлансын,

Бәрі саған қуансын!

Бейбарыс Сұлтан:

Көк аспандай көкпенбек,

Қазақстан жалауы.

Көк емес ол тектен-тек,

Елдің ашық қабағы.

Сәбина:

Тәуелсіздік жолында,

Талай – талай тер тамған.

Билігім өз қолымда,

Еркіндігім – Елтаңбам.

Әмина:

Аспанымдай мөлдірмін,

Жайлауымдай жазықпын.

Өзенімдей өршілмін,
Гүлдерімдей нәзікпін.

Жансұлу:

Ақ ниеті- алтын күн
Асқақ арман – қыраны.
Жалауы бұл- халқымның,
Мәртебесі, мақтаны.

Жүргізуші: 16 - желтоқсан

Тәуелсіздік алған күн

Мерекеде ел қуанып

Шаттанып ән салған күн.

Ән: «Тәуелсіз ел ұланы» топ балаларының орындауында

Жүргізуші: Отаным Қазақстан –алтын бесік,
Мінекей ұлы жолға түсті келіп.

Ағайын, бар тілерім мен еліме.

Тұғырың мықты болсын Тәуелсіздік!

Осымен « Тәуелсіз ел Қазақстан» атты мерекелік ертеңгілігімізді аяқтаймыз.
Мереке құтты болсын, көріскенше сау болыңдар!

«Тәуелсіз ел Қазақстан» атты ертеңгілік

